



UNIVERSITÄTS-
BIBLIOTHEK
PADERBORN

**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

Supplementum ad lib. 1. cap. 33. de amplificatione

[urn:nbn:de:hbz:466:1-68908](#)

PARS QUINTA.

Supplementum ad lib. I. c. 33.

De Amplificatione.

DE hac tractat Cyprian. Soarius lib. I. post locos explicatos, eò quòd ex locis materiam defumat amplificatio. Verum quia non illis solis assurgit, sed quam maxime figurum apparatu, utpote quæ sinè illis confici non potest, ideo ad faciliorem Tironis proxim, quam potissimum specto, hunc ei locum reservavi, salvo interim Authoris iudicio, qui ordinem doctrinæ secundum materiam prosecutus est.

§. I. *Quid sit & quibus modis fiat amplificatio.*

Tria, ut principio libri 3. dicitur, Oratoris sunt officia. Primum docere, secundum delectare, tertium movere: Docere (verba sunt D. Augustini lib. 4. de doctr. Christiana c. 12) propter ignoratos; delectare, propter plurimos, veritatem, nisi adjungatur dicendi suavitas, fastidientes; movere propter duretiem.

Et doctrina quidem est omnino necessaria, quia ignorantia agi non possunt, delectare vero non est necesse, nisi ad attentionem Auditoris

toris fastidientis; & movere , ad duritiam cordis. Quâ verò ratione hæc tria efficiat , Orator declarat c. 13. dum ait. Docet argumentis , delectat pulcherrimarum rerum novarum, atque variarum elocutione , movet amplificationibus . Sic ille : Non est autem *amplificatio oratoria* , quoties pluribus verbis , aut rebus sententia aliqua vel argumentum exponitur , sed quoties vi , atque ariete quodam congestis in unum argumentis , aut figuris impellitur voluntas , ut vicem se dedat Oratori. Prior illa *amplificatio vulgaris* est à Tironum vulgò sic nominata , & dicitur fusior propositionibus aliquibus , vel argumenti explicatio , vel deductio ; Hæc *oratoria* propriè , ut quæ ab Oratoribus hoc nomen sola consecuta est , & definitur ; quod sit *exaggeratus quidam eloquendi modus ad inclinandam & fletendam voluntatem ordinatus* : In hoc enim sita est , ut . quæ videntur parva , extollat , & magna minima efficiat , laudando augeat , vituperando deprimat ; undè fit vel ad augendum , vel minuendum. Differt autem à Confirmatione , quod hæc dilucidâ argumentorum expositione ad solius intellectus assensum tendat , quamvis modicè voluntatem attingat per scintillas quasdam affectuum hinc indè projectas. Amplificatio verò tota est ad motum & assensum voluntatis ; nimirum , ut id , quod intellectus agnovit ita se habere , voluntas ad ejus fugam , vel amplexum reipsâ

Hh

fera-

post
males
a non
gura-
onfici
s pra-
ei lo-
judis
mate-

ratoris
im de-
pa sunt
ristiana
ropter
dicen-
ter du-

essaria,
re verò
Audie-
toris

feratur: potest enim te ab intellectu agnita, & comprobata; reluctari voluntas (quod enim sunt qui agnoscunt rem esse fugiendam, peccatum v. g. ebrietatem, & tamen fugere nolunt) unde cō eniti oportet artem Oratoris, ut convicto intellectu, etiam voluntatem convincat, & flectat. Quem in finem adhibetur post argumentorum expositionem in confirmatione factam, amplificatio, estque velut confirmationis confirmatio, aut saltem voluntatis, sicut illa intellectus, Quintiliano anima, atque spiritus Orationis, l. 6. c. 2.

Non fit autem elatione vocis duntaxat, inconditisque clamoribus, non manuum compositione, non validā pulpiti percussione, non corporis agitatione, non larvarum, aut calvarum ostentatione, ut ostendit P. Balbinus in Quæsit, Orator. Simpliciores hæc percellere possunt, sapientioribus autem risum, aut stomachum movere. Verum

Amplificatio fit i. corundem locorum (ex quibus argumenta petuntur pro Confirmatione) usu, atque operâ; non quidem omnium, sed eorum duntaxat, qui multa in una aliqua re continent, ut definitio aut descriptio Rhetorica, partium enumeratio, similitudo, contraria, pugnantia, adjuncta, antecedentia, causa, effectus. Unde serviant definitiones congregatae, & descriptiones, partes ejusdem rei affatim recensitx, congeries similium, contrariorum effectuum, &c. Valet etiam, si plura ex diversis locis in unum con-

gerant

gerantur, ita ut una, eademque res ex pluribus locis strictim probetur: quod enim rebus divisim positis non potest Confirmatio, hoc in unum collectis efficit amplificatio, cum virtus unita sit fortior, quemadmodum militum turma, aut manipulus validior est, quam si iidem dispersi in hostem immitantur. Quam ob rem in Epilogo, ubi potissimum amplificationi locus est (quoniam & post rem aliquam narratam, vel expositam, brevis affectus tanquam telum vibrari solet) colligi breviter in unum solent argumenta, in quibus fusè, atque separatim versata est confirmatio, ut illa dilucide ad captum, & assensum intellectus proponeret: Quæcumq[ue] jam intellecta, & comprobata supponat epilogus, strictime ea unum in cumulum conjicit ad majorem impetum, quo à voluntate extorqueat assensum. Dixi, strictim, alioquin enim epilogus altera erit confirmatio; unde neque opus est ut omnia referat, sed potiora quæ magis deserviant ad affectum intentum. Sed & alio figurarum colore proferenda, ut eadem cum sint, tamen cum tædio non audiatur, velut si alia forent. Exempla hujusmodi habet Cyprian. l. i. à c. 34. P. Masen in Palæstra Oratoria. Et ex SS. Patribus P. Franc. Romanus in Sacro Ecclesiaste lib. 2. sect. 3, c. 2. Ego in re abundanti nolo esse longior. Obvius est Causinus, apud quem exemplis plena omnia lib. 5. & lib. 8. Apud quem etiam post librum 5. invenies indicem

484 *Supplementum adl. I. cap. 33.*
alphabeti ordinem digestum, & collectum ex
Cicerone.

Secundò amplificationem, & motum ge-
nerant tropi atque figuræ verborum multæ,
sententiarum pleræque. Neque modo figuræ,
verùm etiam verba ipsa grandia, plena atque
sonantia, epitheta, Synonyma & de quibus
lib. 3. fusè actum est, quemadmodum & de
numero Oratorio : in quo tamen cavendum
est, ut monet M. Augustinus l. 4. de doctr.
Christian. c. 14. nè, dum divinis gravibusque
sententiis additur numerus, pondus rebus
ipsis detrahatur. Si quando, tum maximears
dissimulanda est, & tegenda, ne illius gratiâ
abstractus auditor rebus ipsis non advertat
animum.

Hic nota Quintilianum l. 8. c. 4. quatuor
assignare amplificandi modos. *Incrementum*
cùm gradatim crescit, aut decrescit Oratio,
èò quòd majora minoribus subjiciantur, aut
contrà. *Comparisonem*, ut ex minoribus
majora appareant, aut è converso, ex majo-
ribus minorà. *Ratiocinationem*, cùm unum
ex alio colligimus, & inferimus, ut ex signis
rei magnitudinem, ex antecedentibus conse-
quentiam. *Congeriem* denique, cùm multa
eiusdem rei adjuncta, vel effectus ac cumulan-
tur, ut Jobi patientia ex tot malis coacer-
vatis, quæ passus est. Sed hi modi nascun-
tur tanquam fiboles ex prædictis, sunt
enim usu locorum, & figurarum.

§. 2.

§. 2. Monita circa effectus excitandos.

Jam insinuavi motum (sic affectus dicitur, quod illo voluntas, aut animus moveatur) non esse concitandum, nisi post rem expositam, & brevem quidem, post rem aliquam narratam, aut uno; vel altero arguimento probatam; longiorem vero, atque validissimum in, vel ante perorationem.

Præterea advertendum, non esse locum amplificationi in re qualibet; si enim minoris sit momenti, quid ageret amplificatio, nisi ut elephantem faceret ex musca cum indigatione Auditorum. Unde monet Author, ut ad amplificationem adhibeantur, quæ vel naturâ suâ, vel usu & estimatione hominum sunt magna: naturâ quidem, ut cœlestia, divina, quæ causas admirabiles, minusque notas habent: usu vero, quæ hominibus videntur prodesse, aut obesse vehementius, ut religio, salus animæ, vita, res familiaris, bonum nomen, pax, patria, parentes, &c. Rursum attendendum, quo affectu homines, ad quos dicturus es, moveantur, & ducantur, quidam enim honestate, & alii utilitate, alii jucunditate capiuntur. Aliis rebus juvenes, aliis senes, aliis viri, aliis fæminæ, aliis barbari moribus, & feri, aliis culti, & urbani, aliis nobiles, aliis rudes, aliis sapientes, & docti. Hinc cognita Auditorum dispositione cogitandum, quibus argumentis, & figuris affectus ille excitari posset: apta esca pisces jacenda in hamo, ut capiatur, cum non cuilibet sit

486 *Supplementum lib. I. ad cap. 33.*
eadem. Hinc non inutilem se suscepisse labo-
rem sunt arbitrati, qui naturas, & mores ho-
minum descripsérunt in Oratoris institutione
ut P. Franc. Romanus in sacro Ecclesiaste l. 2.
sect. 3. c. 4. P. Masen in Palæstra Oratoria. P.
Causinus l. 12. c. 3. & 4. Atque ut rem redde-
rent faciliorem Oratori, declararunt idem,
quâ ratione, & modo quilibet in particulari
affectus suscitari, aut everti possit, v. g. amor,
odium, timor, tristitia &c. Vide Causinum l. 8.
toto. P. Masen loc. cit. & P. Roman. c. 3. ex
quo solum breviter adjicio, quæ habet de *mo-
biu delectationis* lib. cit. sect. 4. quam per uni-
versam dictionem admiscere debet Orator.
Nam ut ait Quintilian. qui libenter audiunt, &
*ne mo-
tu dele-
statio-
nis ad
atten-
tionem
requiri
re.*
magis attendunt, & facilius credunt. Et teste
S. August. qui declaratione est affectus, faci-
lē, quo volueris, ducitur, nemo flectitur, si
molestē audit. Fit autem universim loquendo
Per res, quæ animi facultatem aliquam, aut
sensum voluptate afficiūt. v. g. intellectum res
novæ, varizæ, admirabiles, occultæ, acutæ, inex-
pectatazæ, jucundæ, ut sunt fabulæ, historizæ rei
propositæ deservientes, concinna rerum in-
ventarum dispositio, & ordo. Voluntatem,
bonum, pulchrum, amabile. Virtutis, &
honoris fulgor, doctrinæ dignitas, utilitas,
decor. Appetitum sensitivum bona præsen-
tia, aut futura delectabilia cum securitate
omnis mali absensis, quemadmodum in Cœ-
lis eveniet. Quæ externos sensus demul-
cent nemo nescit, ut florida prata, horti per-
amoni

āmōni, concentus Musicus, dapes opipatæ.
Hinc delectant illustres Metaphoræ, allego-
riæ, descriptiones, prosopopæjæ, similitudines
&c. Quibus res non tām referri, quām sentiri
oculis, auribus, reliquisque sensibus videtur.
Aurium autem singularē deliciū est ad nu-
meros Oratoris aptè concinnata oratio, pla-
nè suaviterque decurrens atque cadens, cui
& vox pronunciantis sit conformata: oculo-
rum verò actio, atque gestus ad vivum omnia
repräsentans. Hic

Notandum venit, ut absint profani amo-
ris, & corporeæ pulchritudinis exempla, pro-
prietates, descriptiones; hæc enim naturam
ad vitium aliunde proclivem irretiunt, &
maculant. Absint item sales, & joci rusti-
ci, atque inconditi; hæc enim dedecent virum
gravem, qualis est Orator. Denique affecta-
tio in verbis exquisitis nimium, ut poëticis,
& antiquatis in manifesta ornatūs affecta-
tione, & spumeo verborum apparatu, in
pronunciatione, & gestu; odiosa est enim
omnis affectatio, & assentatio. Addendum
hoc loco censui de admiratione, quæ ad
attentionem requiritur, & sine qua, ut ait
Cicero de claris Orator, eloquentia nulla est.
Oritur hæc primò ex ignoratione: miramur
enim effectum, cuius causam nescimus: De-
inde ex rei magnitudine, & excellentia, quæ secta.
sublimior esse demonstratur, quām commu-
nis fert opinio. Item ex rei novitate, atque
nusitata procreatione, cuius inconsideratio

De ad-
mirati-
onis af-
fectu.

facit, ut etiam miracula assiduitate vilescant.
Parit & admirationem in rebus simplicibus,
atque notis sola Oratoris ars, in artificiosa,
atque inexpectata causarum redditione, in non
vulgari pronunciatione, & gestu, quo non
admiratio solū, sed & plausus excitari solet.
Figura sustentationis, seu suspensionis hic
frequens est, quando p̄fatur Orator, non es-
se tām facile rei p̄sentis reddere rationem;
unde refellit eas, quæ afferri possunt, aut affe-
runtur, neque esse tam vilem pro ut existima-
tur, vel absolute vel facta comparatione cum
aliis. Postremum est, quod monitum velim
Oratorem, ut deducta jam ad longum confir-
matione, dispiciat, quis affectus materiæ con-
gruat. An amoris, odii, imitationis, fugæ &c.
Quomodo rei illi affecti sint Auditores, quæ
nam obstacula illis ex animo evellenda (quæ
per modum objectionis proponuntur, & con-
futantur per figuram anteoccupationem) ad
hunc affectum, & quibus igniculis subjectis,
aut quo ariete excutiendus sit? Ad elocu-
tionem plurimum juvat rem probatam medita-
tione expendisse, atque in sic affectum illum
excitasce, tum enim affectu in meditatio-
ne hausto tumida, aut ardens scribetur am-
plificatio. Hoc ipsum p̄fare potest attenta-
Lectio Authoris, v. g. Ciceronis aut Chrysost.
qui affectum illum tractavit: (exempla videri
possunt apud Causinum, l. 8. & 16.) sic enim
imbatus atque inflammatus animus similia
effundet. Ex quo & hoc eveniet, ut in agendo,

pro-

& pronuntiando res ab animo procedere videatur, itaque nos sentire, quemadmodum loquimur, quod ad motum non parum confert. Unde monet Quintilianus. Non agamus rem quasi alienam, sed assumamus parumper illum dolorem &c. Quia, ut Horatius in arte: si vis me flere, dolendum est primùm ipsis tibi. Unde ut iterum Fabius loquitur, summa circa movendos affectus in hoc posita est, ut moveamur & ipsi, quod optimè, ut dixi, meditatione, atque lectione perficitur.

SUPPLEMENTUM II. ad lib. 2. à cap. I.

*De ordine seu dispositione partium in
Oratione.*

De dispositione argumentorum ad inventorum actum est suprà mox post locos explicatos, idque propter faciliorem Tironis praxim, ut adverteret, quid post excogitatum argumentum facere ipsum oporteat, nempè in aliquam argumentationis formam redigere, tum verò oratoriè eloqui. Dissimulata est interim totius orationis dispositio, quò vide licet ipsas argumentationes referre oporteat, eò quòd satis videatur tempestivum, ipsum hòc nosse, postquam in quorumlibet argumentorum inventione, argumentatione, & elocutione satis versatus est: non secus atque Tironi in arte pingendi satis est aggredi totius corporis efformationem, postquam in par-